



# PERSEVERA

Un página di kurashámentu i guia spiritual pa miembronan di Scouting Antiano



22 febrüari 2011

Edishon 1 Aña 1

*Perseverá i boso lo salba boso alma.*

Lukas 21:19

**BadenPowell:**

*"We only spend a short period of time on this earth, in order to do our part, together with the other living creatures that are with us, in carrying out the great plans of the Creator that are beyond our own comprehension."*

*"Be a player in God's team".*



Hòpman R.Manuel

roly1965@hotmail.com

## PERSEVERÁ:

Pa logra na alkansá nos metanan, nos mester demonstrá perseveransia. Un hende ku perseveransia no ta pèrdè kurashi. E no ta stòp di lucha pa loke e sa ku ta bon. Den tempu skur, ora no ta bai bon, nos mester perseverá ku ánimo pa sigui mira padilanti i buska loke por pone nos bèk riba pia.



Perseveransia na skol ta importante pa bo alkansá bon punto i logra kaba skol ku éksito. Perseveransia den deporte i na trabou ta nesesario pa mehorá bo prestashonnan. Progreso personal i progreso di nos komunidad ta dependé di e grado di perseveransia ku ta eksistí serka nos.

Perseveransia ta prueba di un karakter fuerte i ta yuda nos enfrentá kualke gòlpi di bida.

\*Rumannan manera bosonan ta ripara; **"Perseverá"** ta un página ku ta bai sali tur luna ku tin kurashámentu spiritual pa bosonan miembronan di Scouting Antiano. Bosonan ta liber pa hasi uzo di página aki. E no a bin pa kompetí ku Kompas Spiritual pero pa komplementá esaki, e luna ku Kompas Spiritual sali Perseverá lo e ta parti di Kompas Spiritual. Mi ta spera di a pone mi granito di loke ami ta kere di ta bon i ku mi mes bida ta forma riba dje, esta kristianismo.


## Nifikashon di Bendishon ... saka for di página Katóliko

Bendishon ta invoká e apoyo aktivo di Dios pa bienestar di e persona, e ta papia di agradesimentu, e ta trese prosperidat i felisidat den e persona ku ta risibí bon deseonan di nos parti.

Bendishon ta kuminsá den e hogar, den e relashonnan di mayornan i yunan. Muchanan ku ta risibí e regalu di bendishon di parti di nan mayornan, ta risibí un fundamentu firme di amor i aseptashon.

E prinsipio aki tambe ta apliká na e relashon íntimo di pareha. Amistatnan ta profundisá i fortalecé, tresiendo kompañerismo, sanidat i speransa pa hopi ku nunca a haña, risibí un palabra di bendishon. Poder di bida i morto ta den e Palabra.

Na ora di bendishon, ta otorgá bida, no únkamente na esun ku ta risibí e bendishon, sino tambe na esun ku ta duna. Ta p'esei, awe mi ta bendishoná bo, mi bendishon ta bai p'abo, pasobra dor di bendishoná bo di hinter mi kurason, mi ta bendishoná mi mes.



## Palabranan di:

## Robert Stephenson Smyth Baden-Powell

Ora a puntra Baden Powell unda religion a drenta Scouting el a kontesta: e no a drenta semper e ta tei. Ningun hende por ta mas mihó si e no kere den Dios i obedesé su leinan. Pues tur Scout mester tin un religion. Religion ta mustra un kos simpel. Promé stima i sirbi Dios. Di dos stima i sirbi bo próhimo.